



Kgothatso Montjane, Hosikati wa Thenisi

Glanice Masilo
Sibusiso Khumalo



Ntsheketo lowu i wa Kgothatso Mantjane.

U tswariwile hi 1986 ePolokwane endhawini leyi vuriwaka Seshego.

Nhwana loyi u tswariwile na vuvabyi byo ka byi nga tolovelekangi lebyi vaviseke mavoko na milenge ya yena.

Kambe u kule a va mutlangi wa ndhuma wa thenisi.



Hikokwalaho ka vuvabyi bya Kgothatso, madokodela a va fanele ku n'wi tsema nenge wun'we ehansi ka tsolo. U tirhisa nenge wo endliwa.

Loko a ha ri n'wana, vana van'wana a va nga lavi ku huhwa na yena hikokwalaho ka xiyimo xa yena.

Kambe mana wa yena a nga n'wi voni a hambana na vana van'wana. A ri na mitirho ya le kaya ku fana na vana van'wana.



Mana wa Kgothatso u n'wi yisile exikolweni xa *Helen Franz Special Needs*. Lexi i xikolo xa vutsoniwa.

Hi le ka xikolo lexi laha a kombiseke nyiko ya yena ya mitlangu.

Exikolweni, va n'wi dyondzisile ku cina micino ya *Ballroom* na *Latin American*.



Un'wana wa vadyondzisi va Kgothatso u n'wi hlawurile ku yimela xikolo xa vona eka thenisi eJoni.

Kgothatso a nga si tshama a tlanga thenisi.



Kgothatso u ve a tlanga kahle ku yimela xikolo xa yena. Laha hi kona a sunguleke ku tlanga thenisi ya le ka whilichere emisaveni hinkwayo.

U ve a nyikeleriwa hi whilichere na swiambalo swa thenisi.



Kgothatso u sungule ku nghenelela eka miphikizano ya thenisi eka misava hinkwayo.

U tekile masagwati eBelgium na le Switzerland. Thonamente ya thenisi ya le Swisa hi yona a yi rhandzaka swinene.

EAfrika-Dzonga, u xiximiwile ku ringana kanharhu tanihi waxisati wa mitlangu wa lembe.



Hi malembe ma 2013 na 2014, Kgothatso u ve na xiave eka thonamente ya thenisi eAustralia, Furwa na Amerika.

U tlangile thenisi ya n'wayexe a ri yexe. Laha u va a tlanga na ntlawa wumbirhi wa vatlangi na vatlangi vambirhi.




Kgothatso u tlhele a tlanga na le ka tipharalimpiki, ku nga ntlangu wa tiolimpiki wa vutsoniwa lava tlangaka mitlangu.

Ku tiolola eka mphikizano wa muxaka lowu a swi tika, kambe Kgothatso a nga tshikangi.




Kgothatso u tlhele a tirha hi matimba eka swa tidyondzo. U yile eYunivhesiti ya Vhenda laha a endleke digiri ya Sayense ya vuhungasi na mitlangu.

EYunivhesiti, ntlangu wa thenisi ya whilichere a ku ri wona ntsena a wu tlangiwa hi vanhu lava nga na vutsoniwa.



Wimbledon ya le Nghilandhi hilaha ntlangu wo duma wa thenisi wu khomeriwaka kona lembe na lembe.

Hi lembe ra 2018, Kgothatso u vile muntima wa xisati wo sungula wa Afrika-Dzonga ku va a fikelela ku ya ka *Wimbledon*.



Kgothatso u ve a ya eNghilandhi ku ya tlanga eka thonamente ya *Wimbledon*.

Kambe a nga ri na mali yo hakela xihahampfhuka na byetlelo.

Kgothatso a vilela hi mhaka leyi kambe u ve a pfuniwa hi ntlawa wa van'wabindzu va xisati.



Thonamente ya *Wimbledon* ku vile thonamente ya *Grand Slam* ya vumune ku va Kgothatso a yile eka yona.

Tithonamente ta vumune ta misava hinkwayo ya mphikizano ti vuriwa *Grand Slam*.

U vile muAfrika wo sungula wa mutlangi wa thenisi ya whilichere wo phikizana eka thonamente ya vumune ya *Grand Slam* eka lembe rin'we.



Kgothatso i mutlangi wa le henhla wa thenisi ya whilichere eAfrika-Dzonga na le Afrika. Hi un'wana wa vatlangi vantlhanu va thenisi ya whilichere emisaveni hinkwayo.

Ehenhla ka leswi a nga humelela eka swona, Kgothatso u pfuneta vatlangi van'wana va vatsoniwa.

I xikombiso xa leswaku u nga endla swin'wana na swin'wana hambi u ri na vutsoniwa.

—Swivutiso

1. Xana Kgothatso Montjane i mani? Hlamusela.
2. Xana Kgothatso u sungule njhani ku tlanga thenisi?
3. Xana vito ra xikolo laha Kgothatso a dyondzeke ku cina micino ya *Ballroom* na *Latin American* i mani?
4. Hi yihi ndhawu leyi Kgothatso a a phikizaneke ka mune eka thonamente ya *Grand Slam*? Hikwalaho kayini leswi swi ri na nkoka?
5. Xana wa pfumela leswaku u nga fikelela xin'wana ni xin'wana, hambiloko u ri ni vutsoniwa? Hlamusela.
6. Xana hi swihi swirhanganyi leswi munhu la tirhisaka whilichere a nga langutanaka na swona?
7. Hikokwalaho ka yini u ehleketa leswaku mana wa Kgothatso a hlawurile ku nga khomi Kgothatso hi ndlela yo hambana?
8. Xana hi swihi swilo leswi endlaka leswaku vanhu va khoma van'wana hi ndlela leyi hambaneke?

Ntsheketo lowu wu endliwile na ku tsariwa hi
Xitswana tanihi xiphemu xa phurojeke ya
switirhisiwa swo hlaya swa Zenex Ulwazi
Lwethu hi 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kgothatso Montjane, Hosikati wa Thenisi

Author/s: Glanice Masilo

Translator/s: Arnold Mushwana

Illustrator/s: Sibusiso Khumalo

Assurer/s: Hlongwani Hlongwani, Bongani Maluleke

Language: Xitsonga



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

